

關中陵墓志序



關中天府之國周漢唐文鼎在焉
 秦隋因之周漢雖遷洛然在平王
 先武之世其前則此地為宗周為
 西漢文帝王代都聖賢間出豪傑
 之從龍依曰楹丘勳猷者不少高
 人之吸露食霞塵埃軒冕者亦多
 忠義之臣節烈之婦並川壑之匹
 氣歷宇宙而常存若夫著任擅長
 文藻標異其所表見亦自名家至
 如他鄉才德偶馳驅而告終異地
 英賢間僑寓而不返生皆人慕死

皆人悲託體一丘樓神千古雖其
 精爽固下為河岳而上為星宿然
 其夜臺冷月玄室穉風見者無不
 淚零况夫世代綿遠兵燹屢遭龜
 螭毀銷方策放失蓋百后稷太王
 已不知其葬所而况其他乎狐兔
 出沒於陵隅牧豎踐凌於壠側或
 地為耕耔平沒或塚被盜賊睥睨
 起於載籍無徵守護莫設也查邈
 英魂能無愁恨關中陵墓一統志
 陝西志郡州縣衛志俱有載然得
 於斷簡殘編墮碑缺碣者耳諸沉

沒尚多也即就中亦有魚文者懋
 衡觀風其地不勝十種之慨過咸
 陽見纍二者相望於荒阡莽陌之
 墟而土人莫辨矣周文武成康之
 陵或以為渭北或以為渭南尚屬
 茫昧歲月轉深失傳愈衆余滋戚
 焉乃檄督學祁君經紀之祁君又
 辟二三文學外披馬經羅舊聞互
 相叅考有圖有說又有附錄各陵
 墓道里遠近俱以各州縣城定之
 其相離若干里許載於說或在此
 或在南或在東函載於圖觀圖與

說可得梗概也既脫藁余稍為之
 商確及增補焉書成題曰關中陵
 墓志噫祁君之用心精矣其有功
 於帝王賢喆不小矣付之剞劂用
 廣其傳庶有司觀此於封內陵墓
 常加保護勿令剪伐其松楸侵軼
 其北域則神妥而人亦蒙其庇而
 乘輶之使輪蹄所至載此一帙可
 憑而薦漿焉其於古人若見於暮
 煙寒露之中也至附錄其取意述
 於凡例不具論論其撰志之意如
 此

萬曆丁未三月既望新安余懋衡
序

關中陵墓志凡例

關中古稱天府蓋自唐以上帝者不能舍建瓴之勝千秋萬歲後衣冠藏焉攀龍附鳳之士累累從蟄第幅員寥廓指顧爲難茲圖不分世代以所在郡邑爲類人懷一帙則輶車所至庶幾可憑而吊矣

古人丘壠近者或在各郡邑城中遠者至八九十里茲圖不分遠近必圖所轄郡邑畧具方所然地非躬歷者不能盡肖也

古帝王陵如周文武成康相望不二三里然必人爲一圖不敢減省其餘事或相聯而人非取重不妨二人三人總爲一圖

一代興治其君與臣實共之藏骨一丘魂魄未嘗不依依也茲雖另圖猶互書以見而于本陵冢字橫書不溷觀者

自唐以還陪葬甚衆如昭陵百餘人一山勢難另圖茲于陵圖後總書而其人之尤著者于姓名下畧綜其事如房杜諸人是其有勲業蓋天而

冢非鱗附者另圖如郭汾陽是

赫疏如掌四方攸辨茲圖以下爲南上爲北令展卷者北百古人然有葬在山陰勢爲掩蔽則改易其向而書南字于上以別之

八郡附郭邑其七皆一唯咸寧長安二邑俱在西安府城地如繡錯難以瓜分茲于城圖止書西安府字其餘倣此

太子諸王后妃或身關治亂或骨附陵園或功昭簡策者圖之以備考山陵垂懲勸其有泯泯而

別瘞一丘者不錄

茲帙意在表湮必于其人之著者帝王雖周幽秦政不遺志戒也自帝王外夷狄亂華如五胡亦僭號盜名一槩圖之不埒中夏乎故不妨進退古人附錄于後

千百年丘壠淪沒多矣諸帙所載寥寥不欲輕逸卽有一二無甚重輕亦入錄中未暇擇也

幽明迥隔世代絕遠誰能招九京之魂而發其真偽蓋自文武已疑其非况有一墓而數出有有

墓而傳疑有古有墓而今湮滅者並繫于附錄以俟博雅

關中陵墓志

明新安余懋衡持國甫訂

東郡祁光宗伯裕甫編

古燕李天麟仲仁甫

襄陵王應吉伯修甫

長山劉一相惟衡甫同閱

關中文學趙 岫

張 梟


東文翁

徐可爲同校

周穆王陵


呂刑伯罔孔子錄之而說者謂王駕八駿御造父將使天下皆有車轍馬迹焉又謂與西王母宴瑤池說益荒唐矣今府城西三十里有穆王陵蓋卽古鎬京地





漢文帝灞陵

陵去府城東四十里白鹿原上漢書帝至灞陵北臨厠悽愴曰嗟乎以北山石爲槨以紵絮浙陳漆其間豈可動哉張釋之曰其中有可欲雖錮南山猶有隙其中無可欲又何戚焉故治灞陵陶人瓦器不以金銀銅錫爲飾因其山不起墳後之人主可以觀矣



漢宣帝杜陵


漢宣帝杜陵

漢書宣帝葬杜陵臣讚曰杜陵在長安南五十里一統志曰在府城東南一十五里樂游原上帝后許氏早崩葬杜陵南園謂之少陵王后成帝時崩合葬杜陵東園其餘陪葬數十冢長安志圖云大者恐是淮陽憲王等母三婕妤好小者或貴人以下今莫可辨矣

一第... 續修四庫全書 第 2 版



漢薄太后陵

太后因呂后不得合葬長陵故特自起陵白鹿原
上近文帝號南陵長陵正值其西北所謂西望吾
夫東望吾子者也在府東南三十五里



秦莊襄王墓

兩京道里記云在通化門東二里今在府城東三
里皇覽云是呂不韋冢三輔舊事云是子楚冢
今呼韓信冢又云韓生冢皆非也史稱莊襄王卒
葬芷陽蓋自鄜山西皆秦芷陽地



漢韓信墓



古長安城




漢韓信墓

墓在古長安城東三十里舊有廟今山西霍州又有信墓或謂高祖征陳豨呂后殺信傳首至霍按史稱高帝至聞信死且喜且憐之無傳首事


西安府


漢樊噲墓



噲賜食邑杜之樊鄉今府城南樊川南原上有樊噲墓

西安府






漢夏侯嬰墓

郡國志曰勝公乘馬至此馬踣地悲鳴因掘地得石槨銘云佳城鬱鬱三千年見白日吁嗟勝公居此室公曰天也吾死即安此今冢在飲馬橋南東臨灃水人謂之馬冢

漢董仲舒墓

李肇國史補曰昔漢武帝幸芙蓉園即秦之宜春苑也每至此墓下馬時人謂之下馬陵後誤為蝦蟇陵今在府內東南隅




南



漢丙吉墓


宣帝中興吉與魏相相繼為賢相卒葬府城南二十里杜陵南俗呼為塌冢是



漢張安世墓

在府城南八里按安世薨天子賜塋杜東將作穿復土起冢為祠堂今冢存


漢張安世墓






漢蕭望之墓

在府城東南五里故春明門外望之賢傳死非其
罪元帝追悔不忘歲時遣使祀其冢



唐郭敬之墓

敬之汾陽王子儀父也壽州刺史以子貴贈太保
徐國公墓在咸寧郭庄遊城南記云神道碑為苗
晉卿撰今不存



唐顏師古墓



唐顏師古墓

師古其先瑯琊人后家萬年註漢書急就章大顯
從太宗征高麗卒葬長安城南二十里

唐李抱玉墓


抱玉本安興貴曾孫名重璋天寶末以戰河西有
功為改今名祿山亂守南陽斬賊使上言耻與逆
賊共宗有詔賜之姓因徙籍京兆累兼節度使副
元帥在鎮十餘年雖破虜功而禁暴安人為將臣
之良卒贈大保謚曰昭武墓在長安縣杜永村



唐李抱玉墓



西安府





唐渾城墓

長安志曰城墓在萬年縣西南萬年故咸寧通志
于咸寧臨潼宜川皆有墓按本傳朱泚平論功以
城兼侍中河中節度使徙咸寧賜大寧里甲第鎮
奉天虜罷還河中虜入涇邠授邠寧慶副元帥卒
羣臣奉慰延英喪車至自鎮帝復廢朝則咸寧者
為是今在城西南十五里

關中陵墓志


周文王陵



周文王陵

孟子稱文王卒于畢郢今咸陽北十五里高原曰
畢原有周文王陵程大昌雍錄引皇覽云秦武王
是人也杜預為周文王陵
之出為誤起謂文王當葬渭南宋敏求長安
名兩家于咸陽于畢原下尚書注畢引南
志周中冢咸陽在渭南李好文補圖亦引
山與大道同通志之謂周冢近文家成王穆不
覽與大昌同為合按武王冢近文家成王穆不
互昭穆既不可求縣正武王冢近文家成王穆不
送昭穆既不可求縣正武王冢近文家成王穆不
有據又不可求縣正武王冢近文家成王穆不
渭之南又不可求縣正武王冢近文家成王穆不
一水之間不足為遠

周武王陵



周武王陵

陵在文王陵北數十步今周武王陵崇廣僅半文
武王居左為昭成王居右為穆王似不當在文
王後漢劉向唐今孤豆皆曰周武王葬畢陌無丘壠
之處今乃在高原
丘壠中是非邪

文王陵

康王陵

周成王陵



周成王陵

陵在文王陵南二里許按成王陵去文陵既遠于
何也
王陵

周康王陵

陵在成王陵東
康王為文之昭
葬當從武王次
今在成王陵東
如通志東向正
在文王陵東
程大昌諸人未
及也



漢高帝長陵

漢帝后同塋為合葬不合陵皇覽云高帝呂后山
各一所三輔黃圖長安志圖皆云呂后陵在長陵
東今長陵正作二冢東冢稍前西冢視東冢高廣
不及者十二祭者亦皆于東冢關中記云長陵城
有南北西三面東面無城陪葬者皆在東陵山廣
百二十步崇十二丈在古渭城東北五里去今咸
陽三十五里陵北有故城云蕭城疑即長陵縣城




漢惠帝安陵



漢惠帝安陵

安陵漢惠帝陵在長陵西北黃圖云去長陵十里有果園鹿苑徙關東倡優樂人五千戶以為陵邑善為啁譏俗稱安啁陵呂后又欲為高墳使從未央宮坐見之東陽侯諫乃止噫何如不疑戚氏不酖趙王成帝之仁愛也

漢昭帝平陵



漢昭帝平陵

昭帝委任霍光與民休息故治陵邑儉令萬年後掃地而祭及帝大行時光乃用田延年奏沒入茂陵焦氏賈氏積貯炭葦諸下里物葬平陵今在咸陽縣東北十三里

漢元帝渭陵

渭陵在平陵西按元帝永光四年以渭城壽陵亭部原上為初陵詔勿置縣邑使天下安土樂業及葬有司言乘輿車牛馬禽獸皆不宜以葬奏可是時漢雖近衰乎然其葬如此亦足觀矣



漢成帝延陵

成帝荒淫為亡漢基其初治延陵竇將軍惡犯麥苗地放言不便即徙昌陵致土與粟同價已又聽谷永言罷昌陵棄言者郭萬年還就延陵漢書陵在扶風今在咸陽西北十五里蓋其地在漢屬扶風郡

